

PAGTRATO SA BUWIS PARA SA MGA NEGOSYONG PANGMARAMING ESTADO. PAGPOPONDO SA MALINIS NA ENERHIYA AT PAGIGING EPISYENTE SA ENERHIYA. INISYATIBONG BATAS.

- Nag-aatas sa mga negosyong pangmaraming estado na kuwentahin ang kanilang pananagutang buwis sa kita sa California batay sa persentahe ng kanilang mga benta sa California.
- Pinawawalang-bisa ang umiiral na batas na nagbibigay sa mga negosyong pangmaraming estado ng opsyon na pumili ng isang pormula ng pananagutang buwis na nagbibigay ng pabor na pagtrato sa buwis para sa mga negosyong may ari-arian at pasahod sa labas ng California.
- Naglalaan ng \$550 milyon taun-taon para sa limang taon mula sa inaasahang pagtaas ng kita para sa layunin na pondohan ang mga proyektong lumilikha ng mga trabaho sa pagiging episyente sa enerhiya at malinis na enerhiya sa California.

Buod ng Tantiya ng Pambatasang Manunuri sa Netong Tama sa Pananalapi ng Estado at Lokal na Pamahalaan:

- Humigit-kumulang na \$1 bilyon na karagdagang taunang kita ng estado—madaragdagan sa paglipas ng panahon—mula sa pag-aalis ng kakayahan ng mga negosyong pangmaraming estado na pumili kung paano pagpapasiyahan ang kanilang nabubuwisang kita sa California. Ito ay nagreresulta sa ilang negosyong pangmaraming estado na magbabayad ng mas malaking buwis sa estado.
- Sa kitang malilikom ng panukalang ito sa susunod na limang taon, mga kalahati ang ilalaan sa mga proyekto para sa pagiging episyente sa enerhiya at alternatibong enerhiya.
- Sa mga natitirang kita, ang malaking bahagi ay malamang na gastahin sa mga pampublikong paaralan at kolehiyo ng komunidad.

PAGSUSURI NG PAMBATASANG MANUNURI

KASAYSAYAN

Mga Buwis sa Kita ng Korporasyon sa Estado. Ang halaga ng pera na dapat bayaran ng isang negosyo sa estado sa buwis sa kita ng korporasyon bawat taon ay batay sa nabubuwisang kita sa negosyo. Para sa isang negosyo na nagpapatakbo sa California at sa ibang mga estado o bansa (isang negosyo na pangmaraming estado), ang estado ay nagbubuwis sa bahagi lang ng kita nito na may kaugnayan sa California. Habang maliit na bahagi lamang ng mga korporasyon ay pangmaraming estado, ang mga korporasyon na pangmaraming estado ay nagbabayad ng malaking mayoriya ng mga buwis sa kita ng negosyo sa estado. Ang buwis na ito ay ang ikatlong pinakamalaking pinagkukunan ng kita ng Pangkalahatang Pondo sa estado, lumikom ng \$9.6 bilyon noong 2010–11.

Ang mga Negosyong Pangmaraming Estado ay Pumipili Kung Paano Ipapasiya ang Kanilang Nabubuwisang Kita. Sa kasalukuyan, ang batas na estado ay nagpapahintulot sa karamihan ng mga negosyong pangmaraming estado na pumili ng isa sa dalawang paraan upang ipasiya ang halaga ng kanilang kitang may kaugnayan sa California at nabubuwisan ng estado:

- *“Tatlong-Dahilan na Paraan” ng Pagpapasiya ng Nabubuwisang Kita.* Ang isang paraan ay gumagamit ng lokasyon ng mga pagbebenta, ari-arian, at empleyado ng kompanya. Kapag ginagamit ang paraang ito, mas maraming pagbebenta, ari-arian o mga empleyado mayroon ang negosyong pangmaraming estado sa California, mas marami kita sa negosyo ang napapailalim sa buwis ng estado.

PAGSUSURI NG PAMBATASANG MANUNURI

IPINAGPAPATULUY

- ***“Isang Pagbebentang Dahilan na Paraan” ng Pagpapasiya ng Nabubuwisang Kita.*** Ang ibang paraan ay gumagamit lamang ng lokasyon ng mga pagbebenta ng kompanya. Kapag ginagamit ang paraang ito, mas maraming pagbebenta mayroon ang negosyong pangmaraming estado sa California, mas maraming kita sa negosyo ang binubuwis. (Halimbawa, kung ang isang-ikaapat ng produkto ng kompanya ay ibinebenta sa California at ang natitira sa ibang mga estado, isang-ikaapat ng kabuuang tubo ng kompanya ay sasailalim sa pagbubuwis ng California.)

Ang mga negosyong pangmaraming estado ay pangkaraniwang pinahihintulatang pumili ng paraan na pinakamabuti sa kanila para sa mga layunin ng pagbubuwis.

Mga Programa sa Pagiging Episyente sa Enerhiya.

Sa kasalukuyan ay maraming programa ng estado na itinatag upang bawasan ang paggamit ng enerhiya. Ang mga pagsisikap na ito ay nilalayon na bawasan ang pangangailangang magtayo ng bagong impra-istraktura ng enerhiya (tulad ng planta ng kuryente at mga linya ng transmisyon) at tumutulong na tugunan ang mga pamantayan sa kalidad na pangkapaligiran. Halimbawa, ang Komisyon sa mga Pampublikong Utilidad ng California (CPUC) ay nangangasiwa ng iba't ibang uri ng mga programang pagpapahusay ng pagiging episyente sa enerhiya at pagsasauli ng ibinayad sa kasangkapan na pinopondohan ng mga perang nasingil mula sa mga nagbabayad ng presyo sa utilidad. Bilang karagdagan, ang Komisyon sa Enerhiya ng California (CEC) ay bumuo ng mga pamantayan sa gusali at kasangkapan na naglalayong bawasan ang paggamit ng enerhiya sa estado.

Pormula sa Pagpopondo sa Paaralan. Ang Proposisyon 98, ipinasa ng mga botante noong 1988 at ginawan ng pagbabago noong 1990, ay nag-aatas ng pinakamababang antas ng pang-estado at lokal na pagpopondo bawat taon para sa mga pampublikong paaralan at mga kolehiyo ng komunidad (mula ngayon ay tatawaging mga paaralan). Ang antas ng pagpopondo ay pangkaraniwang tinatawag na pinakamababang iginagarantiya ng Proposisyon 98. Bagaman magagawang suspendihin ng Lehislatura ang garantiya at magpondo sa mas mababang antas, ito ay pangkaraniwang nagpapasiyang magkaloob ng pagpopondng kapantay ng o mas malaki kaysa iginagarantiya. Ang iginagarantiya ng Proposisyon 98 ay maaaring lumaki sa mga pagtaas sa mga kita ng Pangkalahatang Pondo ng estado (kabilang ang mga nasingil mula sa mga buwis sa kita ng

negosyo sa estado). Kaya, ang isang panukala—tulad nito—na nagreresulta sa mas malaking mga kita ay maaaring magresulta sa mas malaking garantiya ng pagpopondo sa paaralan. Ang mga paggasta ng Proposisyon 98 ay ang pinakamalaking kategorya ng paggasta sa badyet ng estado—may kabuuan na halos 40 porsiyento ng mga paggasta ng Pangkalahatang Pondo ng estado.

MUNGKAHI

Inaalis ang Kakayahan ng mga Negosyong Pangmaraming Estado na Pumili Kung Paano Ipapasiya ang Nabubuwisang Kita.

Sa ilalim ng panukalang ito, simula sa 2013, ang mga negosyong pangmaraming estado ay hindi na makakapili ng paraan ng pagpapasiya ng kanilang nabubuwisang kita sa estado na pangunahing makakabuti sa kanila. Sa halip, ang karamihan ng mga negosyong pangmaraming-estado ay kailangang magpasiya ng kanilang nabubuwisang kita ng California ginagamit ng iisang pagbebentang dahilan na paraan. Ang mga negosyong nagpapatakbo lamang sa California ay hindi maaapektuhan ng panukalang ito.

Ang panukalang ito ay kabilang din ang mga tuntunin tungkol sa kung paano kinakalkula ng mga negosyong pangmaraming-estado ang bahagi ng ilang pagbebenta na inilalaan sa California para sa mga layunin ng buwis sa estado. Kabilang dito ang isang grupo ng mga partikular na tuntunin para sa mga partikular na malalaking kompanya ng kable.

Nagkakaloob ng Pagpopondo para sa mga Proyektong Pagiging Episyente sa Enerhiya at Alternatibong Enerhiya.

Ang panukalang ito ay nagtatatag ng isang bagong pondo ng estado, ang Pondo ng Paglikha ng Trabaho sa Malinis na Enerhiya, upang suportahan ng mga proyektong naglalayong pabutihin ang pagiging episyente sa enerhiya at palawakin ang paggamit ng alternatibong enerhiya. Ang panukala ay nagsasaad na ang pondo ay magagamit upang suportahan ang: (1) ang mga pagpapatibay na episyente sa enerhiya at mga proyektong alternatibong enerhiya sa mga pampublikong paaralan, kolehiyo, unibersidad, at ibang mga pampublikong pasilidad; (2) pinansiyal at teknikal na tulong para sa mga pagpapatibay sa enerhiya; at (3) mga programa sa pagsasanay para sa trabaho at pagpapaunlad ng lakas paggawa na may kaugnayan sa pagiging episyente sa enerhiya at alternatibong enerhiya. Ang Lehislatura ay magpapasiya ng paggasta mula sa pondo at aatasang gamitin ang mga pera para sa mga proyektong mabisang paggasta na pinatatakbo

PAGSUSURI NG PAMBATASANG MANUNURI

IPINAGPAPATULUY

ng mga ahensiyang may kadalubhasaan sa pamamahala ng mga proyekto sa enerhiya. Ang panukala ay (1) tumutukoy din na lahat ng pinopondohang proyekto ay dapat pag-ugnayin ng CEC at CPUC at (2) lumikha ng isang siyam-na-miyembrong lupon ng pagbabantay upang taunang repasuhin at tayahin ang paggasta mula sa pondo.

Ang Pondo ng Paglikha ng Trabaho sa Malinis na Enerhiya ay susuportahan ng ilan sa bagong kitang nalikom sa paglipat sa isang sapilitang iisang pagbebentang dahilan. Sa partikular, kalahati ng mga kitang nalikom—hanggang sa pinakamataas na \$550 milyon—ay ililipat taun-taon sa Pondo ng Paglikha ng Trabaho sa Malinis na Enerhiya. Ang mga paglipat na ito ay mangyayari para sa limang taon lamang ng pananalapi—2013–14 hanggang 2017–18.

MGA EPEKTO SA PANANALAPI

Nadagdagang mga Kita ng Estado. Gaya ng ipinakikita sa itaas na linya sa Figura 1, ang panukalang ito ay magtataas ng mga kita ng estado ng mga \$1 bilyon taun-taon simula

sa 2013–14. (Magkakaroon ng halos kalahating-taong tama sa 2012–13.) Ang nadagdagang mga kita ay manggagaling sa ilang negosyong pangmaraming estado na nagbabayad ng mas maraming buwis. Ang mga halagang lilikhain ng panukalang ito ay malamang na lumaki sa paglipas ng panahon.

Ilang Kitang Ginagamit sa mga Proyekto sa Enerhiya. Para sa limang-taong panahon (2013–14 hanggang 2017–18), mga kalahati ng mga karagdagang kita—\$500 milyon hanggang \$550 milyon taun-taon—ay ililipat sa Pondo ng Paglikha ng Trabaho sa Malinis na Enerhiya upang suportahan ang mga proyektong pagiging episyente sa enerhiya at alternatibong enerhiya.

Pagpopondo sa Paaralan Malamang na Tumaas Dabil sa mga Karagdagang Kita. Sa pangkalahatan, ang kitang nalikom ng panukala ay ituturing sa pagkalkula sa taunang pinakamababang iginagarantiya ng Proposisyon 98. Ang mga pondong inililipat sa Pondo ng Paglikha ng Trabaho sa Malinis na Enerhiya, gayunman, ay hindi gagamitin sa

Pigura 1

Mga Tinantiyang Epekto ng Proposisyon 39 sa mga Kita at Paggasta ng Estado

	2012–13	2013–14 Hanggang 2017–18	2018–19 At Higit
MgaTaunang Kita	\$500 milyon	\$1 bilyon lumalaki sa paglipas ng panahon	Higit sa \$1 bilyon
Taunang Paggasta			
Halagang inilaan sa mga proyektong enerhiya	Wala	\$500 milyon hanggang \$550 milyon	Wala
Pagtaas sa garantiya sa pagpopondo sa paaralan	\$200 milyon hanggang \$500 milyon	\$200 milyon hanggang \$500 milyon, lumalaki sa paglipas ng panahon	\$500 milyon hanggang higit sa \$1 bilyon

PAGSUSURI NG PAMBATASANG MANUNURI

IPINAGPAPATULUY

pagkalkulang ito. Gaya ng ipinakikita sa ibabang bahagi ng Pigura 1, ang mas mataas na mga kita ay malamang na magtaas sa pinakamababang garantiya ng hindi kukulangin sa \$200 milyon para sa 2012–13 hanggang 2017–18 na panahon. Sa ilang taon sa panahong ito, gayunman, ang pinakamababang garantiya ay maaaring mas mataas. Para sa 2018–19 at pagkaraan, ang garantiya ay malamang na maging mas mataas ng hindi kukulangin sa \$500 milyon. Gaya ng sa unang panahon, ang garantiya sa ilang taon ay maaaring lubos na mas mataas. Ang eksaktong bahagi ng kitang nalikom na pupunta sa mga paaralan sa alinmang partikular na taon ay magiging depende sa iba't ibang dahilan, kabilang ang pangkalahatang paglaki sa mga kita ng estado at ang laki ng natitirang mga obligasyon sa pagpopondo ng estado.